

女科輯要卷上
下上

Dr. C. F. Wang

卷上
下上

潛齋醫學叢書十四種

半癡山人叅訂

沈氏女科輯要

堯封沈氏所著醫經讀傷寒論讀簡明切當允為善本尚有女科輯要一書世罕傳本原稿為余外舅徐虹橋先生補注珍藏先生早歸道山余受室後得見其書頗多入理深談發前人所未發者今年楊素園明府聞有此稿命為借鈔余謂婦兄友珊曰君子之孝也亦務其大者遠者而已實守遺編莫若傳諸不朽友珊許焉爰不揣鄙俚稍加參訂而公諸世云

道光庚戌仲冬棘人王士雄書于潛齋

女科輯要目次

卷上

經水

崩漏

帶下

求子

受胎

辨胎

妊娠諸病

附妊娠藥禁

附泰西諸說

卷下

產

產後諸病

乳證

雜病

諸方

女科輯要卷上

婿王士雄孟英參

沈堯封先生輯

錢塘後學徐政杰藹輝補注

經水

素問女子七歲腎氣盛齒更髮長二七而天癸壯人精藏於腎腎繫於腰背精欲下泄必
癸是女精由任脈而來月事是經血由太脈為病女子帶下

太衝脈盛月事亦以時下一順言之一逆前東扶云經言男子二八而腎氣盛天癸至
衝脈衝脈隸陽明帶下是精病咎在任脈男女皆有精易謂男女構精可據然指天癸
脊裏一條是督脈皆起於前後兩陰之交會陰穴腎絡暖暖更意荷謫諸陰相統至腰
似束帶狀人精藏於腎腎繫於腰背精欲下泄必由帶脈而前然後從任脈而下故經
言任脈為病女子帶下

雄按俞東扶云經言男子二八而腎氣盛天癸至精氣溢瀉若天癸即月水丈夫有之
乎蓋男女皆有精易謂男女構精可據然指天癸為精亦不妥天癸為精不當又云精
氣溢瀉矣後賢講受孕之道有陽精陰血先至後衝等說亦謬夫男女交接曾見女人

有血出耶。交接出血是病。豈能裏精及為精所裏哉。大約兩情歡暢。百脈齊到。天癸與男女之精偕至。斯入任脈而成胎耳。男胎女胎。則由夫婦之天癸有強弱盈虛之不同也。吾友徐亞枝云。如沈氏說。一若天癸即精者。如俞氏說。一若血與精之外。別有一物。所謂天癸者。竊謂天癸者。指腎水本體而言。癸者水也。腎為水臟。天一生水。故謂腎水為天癸。至謂至極也。猶言足也。女子二七。男子二八。腎氣始盛。而腎水乃足。蓋人身五臟屬五行。惟腎生最先。而腎足最遲。腎衰最早。故孩提能悲。能喜。能怒。能思。而絕無慾念。其有情竇早開者。亦在腎氣將盛。天癸將至之年。可見腎氣未盛。癸水未足。則不生慾念也。迨腎氣衰。癸水絕。則慾念自除矣。解此段經文者。當云。女子必二七。而腎水之本體充足。任脈乃通。太衝之脈始盛。月事因而時下矣。夫前陰二竅。溺之由水竅者。無論矣。其由精竅者。皆原於天癸者也。月水雖從衝脈下。謂為天癸之常可也。洩精成孕。是任脈之施受。謂為天癸之能可也。帶下乃任脈之失。擔任。謂為天癸之病可也。然則稱月水為天癸。似亦無不可也。前賢解此。皆重讀上二字。而畧下一字。惟將至字當作來字看。遂至議論紛紜耳。

王水曰。男以氣運。故陽氣應日而一舉。女以血滿。故陰血從月而一下。

月事不調

素問天地溫和則經水安靜天寒地凍則經水凝泣天暑地熱則經水沸溢卒風暴起則經水波湧而隴起

褚澄曰女子天癸既至踰十年無男子合則不調未踰十年思男子合亦不調不調則舊血不出新血誤行或潰而入骨或變而為腫或雖合而難子合多則滯枯虛人產乳眾則血枯殺人

雄按此論甚不盡然存其意可也惟產乳眾而血枯卒死者頗多然吾鄉吳醞香大令之夫人半產三次不計外凡生十男四女並已長成而夫人年踰五旬精力不衰猶能操家政而撫馭羣下也

方約之云婦人不得自專每多忿怒氣結則血亦結

雄按此至言也氣為血帥故調經必先理氣然理氣不可徒以香燥也蓋鬱怒為情志之火頻服香燥則營陰愈耗矣

趙養葵云經水不及期而來者有火也宜六味丸滋水如不及期而來多者加白芍柴胡海螵蛸如半月或十日而來且綿延不止者屬氣虛宜補中湯如過期而來者火衰也六味加艾葉如服遲而色淡者加桂此其大略也其間有不及期而無火者有過期而有火者不可拘於一定當察脈視稟滋水為主隨證加減

雄按婦人之病雖以調經為先第人秉不同亦如其面有終身月汛不齊而善於生育者有經期極準而竟不受孕者雄於女科閱歷多年見聞不少始知古人之論不可盡泥死妄之藥不可妄施也

辨色及痛

趙養葵曰衝任藏經系胞又恃一點命門之火為之主宰火旺則紅火衰則淡火太旺則紫火太衰則白所以滋水更當養火甚有乾枯不通者雖曰火盛之極亦不宜以苦寒之藥降火祇宜大補其水從天一之源以養之使滿又曰紫與黑色者多屬火旺亦有虛寒而黑色者不可不察若淡白則無火矣

沈按王宇泰以寒則凝既行而紫黑定非寒證然投熱藥取效十中嘗見一二色白無火亦屬近理然間有不宜補火者嘗見元和一婦經水過期十日方至色淡穩婆據此投肉桂藥數劑經水過多遍身發黃不能飲食身熱脈數竟成危候此是丹溪所謂經水淡白屬氣虛一證要之臨證時須細察脈象復參旁證方識虛實寒熱儻有疑似證中有兩證者先用其輕劑如色淡一證先用補氣法不效再投補火庶無差誤錄葉氏辨證於左

葉氏曰血黑屬熱此其常也亦有風寒外來者十中嘗見一二蓋寒主收引小腹必常冷

痛經行時或手足厥冷唇青面白尺脈遲而微而虛或大而無力熱則尺脈洪數或實有力參之脈證為的

雄按色淡竟有屬熱者古人從未道及須以脈證互勘自得但不可作實熱論而瀉以苦寒也更有奇者方氏婦產後經色漸淡數年後竟無赤色且亦結塊平時亦無帶下人日尪羸余診之脈與數口苦而時有寒熱與青蒿白微黃檉柴胡當歸鱉甲龜板芍藥烏鰂枸杞地骨皮等藥出入為方服百劑而愈此僅見之證矣

滑伯仁曰經前臍腹絞痛寒熱交作下如黑豆汁兩尺脈滿餘皆弦急此寒濕搏於衝任寒濕生濁下如豆汁與血交爭故痛宜平散苦溫血藥

杰按平散血藥是川芎之類苦溫血藥是艾葉之類

李氏曰經水帶黃混濁者濕痰也

丹溪曰經將行而痛者氣之滯也用香附青皮桃仁黃連或用抑氣散四物加胡索丹皮條芩又曰經將來腹中陣痛乍作乍止者血熱氣實也四物加川連丹皮

杰按抑氣散出嚴氏條香附四兩陳皮一兩茯苓甘草兩半也為末每服二錢治婦人氣盛於血變生諸證頭暈膈滿取內經高者抑之之義汪昂謂是方和平可用若補血以平陽火亦正治也

又經後作痛者。氣血俱虛也。宜八珍湯。

又成塊者。氣之凝也。

沈按經前腹痛。必有所滯。氣滯脈必沉。寒滯脈必緊。濕滯脈必濡。兼寒兼熱。當參旁證。至若風邪由下部而入於脈中。亦能作痛。其脈乍大乍小。有時隴起。葉氏用防風荆芥。桔梗甘草。虛者加人參。各一錢。焙黑。取其入血分。研末酒送神效。

又按經前後俱痛。病多由肝經。而其中更有不同。脈弦細者是木氣之鬱。宜逍遙散。及川棟小茴橘核之類。脈大者是肝風內動。體發紅塊者。是肝陽外越。俱宜溫潤。戴禮亭室人向患經前後腹痛。連及右足。體發紅塊。脈大右關尺尤甚。已卯秋予作肝風內動治。用生地四錢。炒枸杞一錢。細石斛二錢。杜仲二錢。乾淡苣蓉一錢。麥冬一錢。牛膝一錢。歸身一錢。五分。炒白芍一錢。服之痛止。後於經前後數劑。經來甚適。不服即痛。因作丸服。此方屢用有驗。

經來聲啞證。荀恒太兄長女。嫁斜塘倪姓。早寡。體氣虛弱。每逢月事。聲音必啞。予用天冬地黃。茯苓歸身等藥。病益甚。張口指畫。毫無一字可辨。即於此方加細辛少許。以通少陰之絡。藥纔入口。其聲即出。十餘劑。後桂附八味丸調理。永不發。

撮要經後目暗。屬血虛。

汪石山曰。經行泄瀉。屬脾虛多濕。宜參苓白朮散。

雄按亦有肝木侮土者。

繆氏云。經行白帶。屬陽虛下陷。用參朮助陽之藥。

雄按亦有鬱火內盛者。

月事不來

素問二陽之病。發心脾。有不得隱曲。女子不月。其傳為風消。其傳為息奔者。死不治。

沈按二陽指陽明經言。不指臟腑言。二陽之病。發心脾者。陽明為多血之經。血乃水穀之精氣。藉心火煅煉而成。憂愁思慮傷心。困及其子。不嗜飲食。血無以資。生陽明病矣。經云前陰總宗筋之所會。會於氣街。而陽明為之長。故陽明病。則陽事衰而不得隱曲也。太衝為血海。並陽明之經而行。故陽明病。則衝脈衰而女子不月也。

雄按經水固以行月為常。然陰虛者多火。經每先期。陰愈虛。行愈速。甚至旬日半月而一行。更有血已無多。而猶每月竭蹶一行者。其涸也可立而待也。若血雖虛而火不甚熾。汛必愆期。此含蓄有權。雖停止一二年。或竟斷絕不行。但其脈不甚數者。正合坤主吝。晉之道。皆可無慮。昧者不知此理。而但憑月事以分病之輕重。聞其不行。輒欲通之。竭澤而漁。不仁甚矣。

金匱云婦人病血虛積冷結氣經水斷絕

張景岳云經閉有血隔血枯不同。隔者病發於暫通之則愈。枯者其來也漸。補養乃充。沈按金匱三證。積冷結氣有血不行也。景岳謂之血隔。積冷宜肉桂大辛熱之藥導血下行。後用養榮之藥調之。氣結宜宣。如逍遙散或香附烏藥行氣之品宣之。虛者無血可行也。景岳謂之血枯。宜補。趙養葵補水補火補中氣三法。最為扼要。

雄按補水勿泥於六味。補火勿泥於八味。補中氣勿泥於歸脾。

寇宗奭曰童年情實早開。積想在心。月水先閉。蓋憂愁思慮則傷心。心傷則血耗竭。故經水閉也。火既受病。不能榮養其子。故不嗜食。脾既虛則金氣虧。故發嗽。嗽既作則水氣竭。故四肢乾。木氣不充。故多怒。髮鬢焦。筋痿五臟以次傳遍。故卒不死。然終死也。比於諸證最為難治。

沈按此條亦從金匱虛字內分出。實有是證。但此證所願不得。相火必熾。非補水無以制之。六味地黃湯補陰瀉陽。固是妙法。然脾虛食減。倘嫌地黃泥膈。炒枯可也。不然以女貞易之。顧名思義。并瀉相火。

雄按此證最難治。六味礙脾。歸脾助火。惟薛一瓢滋營養液膏加小麥大棗遠志。庶幾合法。一瓢又有心脾雙補丸亦可酌用。

婁全善曰。經閉有汚血凝滯胞門一證。羅謙甫血極膏一味。大黃為末。醋熬成膏服之。利一二行。經血自下。是婦人之仙藥也。

朱丹溪曰。肥人痰塞胞門。宜厚朴二陳湯。

沈按。金匱論經閉有冷無熱。非闕文也。蓋天暑地熱。則經水沸溢。豈反有凝泣不來之理。潔古東垣降心火瀉三焦之說。不可盡信。即骨蒸內熱。亦屬陰虧。非同實火之可寒而愈也。

雄按。王子亨全生指迷方。地黃煎以生地汁八兩熬耗一半。內大黃末一兩同熬。候可丸。如梧子大。熟水下五粒。未效加至十粒。治女子氣竭傷肝。月事不來。病名血枯。蓋瘀血不去。則新血日枯也。即內經烏鰂丸。仲聖大黃蟅蟲丸之義耳。後人但知彼血枯為血虛。而不知血得熱則瘀。反用溫補。豈能愈此血枯之病。堯封亦為此論。毋乃欠考。

淋漓不斷 一名經漏

陳良甫云。或因氣虛不能攝血。或因經行而合。陰陽外邪客於胞內。

雄按。亦有因血熱而不循其常度者。

月事異常

經云七七而天癸竭。有年過五旬經行不止者。許叔微主血有餘不可止。宜當歸散。產寶

主勞傷過度喜怒不時。李時珍作敗血論。三說不同。當參脈證。

李時珍曰。月事一月一行。其常也。或先或後。或通或塞。其病也。有行期。祇吐血衄血。或眼耳出血。是謂倒經。有三月一行。是謂居經。有一年一行。是謂避年。有一生不行而受胎者。是謂暗經。又受胎後。月月行經而產子者。是謂胎盛。俗名胎垢。有受胎數月。血忽大下而胎不墮者。是謂漏胎。此雖以氣血有餘不足言。而亦異常矣。

雄按。有未及二七之年而經水已行者。有年踰花甲而月事不絕者。有無病而偶停數月者。有壯年而汛即斷者。有帶下過甚而經不行者。有數年而一行者。有產後自乳而仍按月行經者。有一產而停經一二年者。秉賦不齊。不可以常理概也。

血崩 血大至曰崩。此是急病。

素問陰虛陽搏謂之崩。許叔微云。經云天暑地熱。經水沸溢。又云陰虛者。尺脈虛浮。陽搏者。寸脈弦急。是為陰血不足。陽邪有餘。故為失血內崩。宜奇效四物湯。或四物加黃連。奇效四物湯。

當歸酒洗

川芎

白芍炒

熟地黃

以上為四物

阿膠

艾葉

黃芩炒

各一錢

又云。女人因氣不先理。然後血脈不順。生崩帶諸證。香附是婦人仙藥。醋炒為末。久服為佳。每服二錢。清米飲調下。徐朝奉內人徧藥不效。服此獲安。

本按叔微理氣二字。專主怒氣鬱氣傷肝。故用香附理氣以和肝。慎不可用破氣藥。
薛立齋云。肝經風熱。或怒動肝火。俱宜加味逍遙散。

加味逍遙散

當歸 白芍 柴胡 甘草 茯苓 白朮 丹皮 黑梔 加薄荷 薑棗煎

李太素曰。崩宜理氣降火升提。

金匱云。寸口脈微而緩。微者衛氣疎。疎則其膚空。緩者胃弱不實。則穀消而水化。穀入於胃。脈道乃行。水入於經。其血乃成。營盛則其膚必疎。三焦絕經。名曰血崩。

趙養葵曰。氣為陽主升。血為陰主降。陽有餘則升者勝。血出上竅。陽不足則降者勝。血出下竅。氣虛者面色必白。尺脈虛大。

東垣云。下血證須用四君子補氣藥收功。

又云。人傷飲食。醫多妄下。清氣下陷。濁氣不降。乃生脹滿。所以胃脘之陽不能升舉。其氣陷下致崩。宜補中湯。

丹溪云。有涎鬱胸中。清氣不升。故經脈壅遏而降下。非開涎不足以行氣。非氣升則血不能歸隧道。其證或腹滿如孕。或臍腹疼痛。或血結成片。或血出則快。止則悶。或臍上動。治宜開結痰。行滯氣。消汚血。

沈按衝為血海並陽明之經而行故東垣丹溪皆主胃腕之陽不升顧其病源各異
曰妄下朱云痰鬱有腹滿如孕血出反快止反悶等證可認妄下則無有也非悶不得
戴元禮曰血大至曰崩或清或濁或純下紫血勢不可止有崩甚腹痛人多疑惡血未盡
又見血色紫黑愈信為惡血不敢止截凡血之為患欲出未出之際停在腹中即成紫血
以紫血為不可留又安知紫血之不為虛寒乎瘀而腹痛血行則痛止崩而腹痛血止則
痛止芎歸湯加薑附止其血而痛自止

薛立齋云有婦患崩過服寒藥脾胃久虛中病未已寒病復起煩渴引飲粒米不進昏憤
時作服洪大按之微弱此無根之火內虛寒而外假熱也十全大補加附子崩減日服八
味丸而愈又有久患崩服四物湯涼血劑或作或止有主降火加腹痛手足厥冷此脾
胃虛寒所致先用附子理中湯次用濟生歸脾補中益氣二湯崩頓止若泥痛無補法則
誤矣

沈按崩證熱多寒少若血大至色赤者是熱非寒僅色紫黑者出絡而凝其中有陽虛一
證經云陽氣者衛外而為固也營行脈中衛行脈外脈外之陽虛失於護衛則脈中之
營血漏泄既出絡脈凝而不流漸漸變紫變黑然必須少腹惡寒方可投溫

崩證極驗方

地榆二錢

生地四錢

白芍三錢

川連五錢

黃芩一錢五分

甘草八分

連翹一錢

丹

皮半錢

黑梔一錢

牡蠣二錢

水煎服

一婦自服人參阿膠血不止投此即效因伊帶多偶以苦參易芩血復至用芩即止去連血又至加連即止

一婦患崩月餘余診時大崩發量幾脫是方加人參一錢服之即定十劑而安

一婦患此年逾五旬投人參阿膠不效一日用黃連五分甚不相安一醫云是氣病用酒炒香附歸芍丹皮黃芩牡蠣棗仁黑荊芥各二錢鬱金一錢五分橘皮一錢上沉香磨沖三分柴胡五分棕櫚灰八分煎服一劑崩止除去柴胡棕櫚荊芥數劑食進後加白朮為散服之作脹減去即安

一崩證少腹惡寒用桂附八味丸收全效

雄按經漏崩淋並由精竅出惟溺血從溺竅而下婦女雖自知然報於細述醫者不知分別往往誤治更有因病汎愆而衝脈之血改從大腸而下者人亦但知為便血也臨證均須細審

帶下

與男子遺濁同治

素問任脈為病男子內結七疝女子帶下瘕聚